

Z. b.
6473





AD
SUPREMA OFFICIA
VIRO SUMMO ET EXCELLENTISSIMO
**IOHANNICHRI-
STOPHORO**

Herold / IC.

HEREDITARIO IN RIEDEBURG,
POTENTISSIMI REGIS BORUSSIAE IN
DUCATV MAGDEBURGICO REGIMINIS, CONSI-
STORII, VENATIONVM, SALTVM LIMITVMQVE CONSILIA-
RIO, ET OCTOVIRALIS COLLEGII AD B. VIRGINIS
AEDEM DIRECTORI,

XXII IVNII clōcclv
AETATIS ANNO LXXIII
PLACIDA MORTE EXSTINCTO,
XIII IVLII POST SACRA POMERIDIANA
HONESTISSIMO RITV FACIENDA,

**ACADEMIAE FRIDERICIANAE
PROCERES ET CIVES
OFFICIOSE ET HVMANITER
INVITAT**

EIVSDEM PRORECTOR
IOHANNES SPERLETTE,
PHILOSOPHIAE PROF. PVBL. ORD.

HALAE MAGDEBURGICAE,
TYPIS CHRISTOPH. ANDRAE ZEITLERI, ACAD. TYPOGR.



Quod nunc clarum funus indicimus
exsequendum, exemplo nobis tristi
est & lugubri, quam nihil stabile ac
certum in hominum vita sit, & post
omnium, quæ iis in pretio sunt, diu-
turnum etiam usum, tandem fatalis
mors finem adferat. Opes enim, ho-
nores, ætas viuax, & quidquid mortales optant & magni
faciunt, caduca cuncta sunt & fragilia, sicut ipsi homini ni-
hil certius, quam ex vita excessus, per omnem ætatem ex-
spectandum est. Amplissimus nobis se campus aperiret,
si querimoniis laxare frena, & libero impetu decurrere pla-
ceret: sed ita comparatæ sunt res mortalium, vt frustra
coneris dicendo reuocare, si abruptæ sint; aut si paullisper
integriores, instantem finem prorogare querendo. Quod
præstantissimum in vita censetur mortali, innumeris a-
cerbitatibus permixtum est, vt ipsi sæpe, quos felices vul-
gus prædicat, fastidio viuendi mortem sibi expetant. Quid
vero opus est verbis, vbi exemplo res, vt diximus, clarissi-
me demonstrari potest; in quo omnia, quæ in huius gene-
ris hominibus laudamus, adfatim concurrunt, nec vero e-
uentus alius fuit, quam qui est omnium; vt discedatur ex
vita nulli felicissima: quia post homines natos nemo est re-
pertus, cui omnia successerint ex sententia, numquam ad-
versante fortuna. Quod ita diuina factorum lege sancitum
est, vt caducis adfixi mortales caelestium & æternorum ne
obliuiscantur. Ad id ergo, quod officium susceptæ scri-
ptionis poscit, conuersi, quæ accepimus de illo, cuius ho-
nori exsequias celebrabimus, vt mos est Academicis, enarra-
mus. Is fuit vir summus & excellentissimus IO. CHRIS-
TOPHORVS **Herold** / IC. Hereditarius in Riedeburg,
Potentissimi Regis Borussia in Ducatu Magdeburgico Re-
giminis, Venationum, Saltuum, Limitumque Consiliarius,
& Collegii Octouiralis ad B. Virginis, Director, qui natus
fuit in hac Halensi ciuitate anno **CIO IO CXXXI**, extremo

Octobris die, Ecclesiis nostris ob Reformationis initia fau-
sto semper & auspicato; Patre viro nobilissimo & specta-
tissimo, CAROLO Herold/ in Diemitz Hereditario, Pa-
tricio Halensi ac Salinatore inter primos conspicuo, cuius
genus ad ducentos annos in hac ciuitate clarum testa-
tumque fuit: & Matre generosa & ornatisima femina
MARGARETHA de SCHÖNITZ, ex Equestri genere
SCHÖNITZIORVM orta, quæ in maioribus suis & ZO-
CHIOS, PFRÜTZSCHNERIOS, ALEMANOS, ALEBEC-
KIOS, ceterosque, omnes equestris dignitatis, numerauit.
His edito nobilissimis Parentibus nihil defuit ad veram pie-
tatem & liberalium disciplinarum studia quo adduceretur.
Ingenium præstans, cura parentum, industria domi pueri-
tiam formantium, abunde illi contigerant, adeo, vt nondum
ephebus doctissimis clarissimisque Magistris gymnasii patrii,
RÜDIGERO quarto, LICHEMANNO tertio collega;
CALENO Conrectori, GVEINZIO Rectori erudiendus,
& ad maiora præparandus committeretur: sub quibus ita
etiam: Deo fortunante, profecit, vt anno CIOICL dignis-
simus vilus fuerit, qui, postquam sæpe se perorando dispu-
tandoque publice exercuerat, etiam Vale dicturus oratio-
nem de *adquirenda prudentia politica*, & disputationem de
Collegiis, supremum industriæ specimen, vno tempore edide-
rat, legitime dimissus, in celeberrimam, quæ Ienæ est, able-
garetur Academiam. Quod vero a laudato Rectore GVEIN-
ZIO non solis humanioribus litteris, sed philosophia etiam
institutus probe fuerat, & iurisprudentiæ elementis quoque
inctus; eo alacrius in Academia cursum bene cœptum per-
secutus est, in politicis primum excitante IO. CHRISTFRI-
DO SAGITTARIO, in iure IOHANNE THOMAE, v-
troque post in Altenburgensi Ducatu ad summos honores
peruecto, hoc Cancellario, illo Superintendente Generali
constituto: deinde ceteros ibidem antistites, quorum fama
immortalis est, VNGEBAVERVM, RICHTERVM, STRVVI-
VM, STRAVCHIVM, SCHRÖTERVM, multa sedulitate do-
cente;

centes disputantesque publice, priuatim audiuit, & suum il-
lis ingenium industriamque adprobauit. Cuius rei testes sunt,
præter priuatas multas, duæ disputationes publicæ, quarum
alteram præside SCHRÖTERO de *Ratificatione* defendit,
quam ipse post auctius elaboratam Tractatus forma edidit:
alteram de *Iudice feudali*, moderante magno iuriconsulto
STRVUIO. Sic bene in iuris theoria formatus, CIO IOCLIV
Lipsiam concessit, & clarissimo legum interpreti QVIRINO
SCHACHERO operam dedit, tum suos ad vsum iurispru-
dentix, *collegio Curialium practico*, adducendi. Inde, circum-
acto anno Ienam reuertit, præmia industriæ, honores in
iure summos, petiturus: quos etiam, quum consuetis Ex-
aminibus, & Lectione, ac disputatione de *Iure representatio-
nis ac transpositionis* le dignissimum probasset, pro meritis suis
perfacile consecutus est. Non diu virtus latet: & in lucem
NOSTER illico protractus CIO IOCLVI grauissimo, quod
hic loci est, Scabinorum collegio adlectus fuit: altero mox
anno a gloriosæ memoriæ Principe AVGVSTO, Saxo-
niæ Duce, ac Administratore Archiepiscopatus, Consilia-
rius Aulicus & Consistorianus in Hereditariis prouinciis
creatus, summa cura demandatum munus obiit, & anno
CIO IOCLX, extincto vltimo Comitum Barbyensium AV-
GVSTO LVDOVICO, Comitatum ille cum adnexa Dyna-
stia Rosenburgensi, in fidem & clientelam laudatissimi
Principis suscepit, pro Eodemque CIO IOCLXIV, in con-
uentu Circuli Superioris Saxonix, Comitatus illius causâ
locum & sedem occupauit, & suffragium inter alios libere
tulit. Postquam vero gloriosus Princeps & Administrator
summum Hereditariæ Prouinciæ Dicasterium, quod in hac
vrbe fuerat, CIO IOCLXVI VVeissenfelsam transtulit, No-
ster relictis hic suis (nec enim sine rerum damno transferri
facile poterant) eodem est profectus: vnde quod sæpe ad
suos commeandum erat & ad rem familiarem inspici-
endam; post biennium, itinerum pertæsus, illum locum
eum Consulatu patriæ commutauit: in qua statione ad an-

num **CIOIOCLXXIV** permāsit: interea aliis etiam honoribus auctus, quippe Syndicus Metropolitanæ, quæ Magdeburgi est, Ecclesiæ, & ante paullo Director Collegii ad S. Virginis Halensis, electus fuit. Anno **CIOIOCLXXIV** Prætor creatus est vrbanus, vt ius ciuibus diceret: quo cum munere simul Burggrauiatum Halensem, vt tum vocabatur, administrauit. Anno **CIOIOCLXXX** gloriosissimus Elector Brandenburgicus **FRIDERICVS VVILHELMVS** sponte sua, non rogatus, propter perspectam fidem & virtutem, vt in litteris Electoralibus est, Consiliarium regundi Ducatus Magdeburgici & Consistorii eum constituit, etiam curam Iurium circa Limites, Venationes & Saltus in eodem Ducatu demandauit: in quibus functionibus a serenissimo Successore, indulgentissimo **REGE** nostro, anno **CIOIOCLXXXIX** clementissime confirmatus est. Magnis sic honoribus **NOSTER** per varias reipublicæ partes functus est, quos diligentissime obiit omnes, nec vero industriæ suæ temperauit, quo minus, præter tot publicas expeditiones, subseciuis horis legendo scribendoque ingenium aleret, ac animum his deliciis oblectaret. Cuius rei testes sunt præclara, quæ edidit, volumina, *Isagoge ad Processum Ciuilem & Saxonicum: & Singulares consultationes forenses, siue Consilia Decisua: item Illustræ quedam Observationes Consultatio Decisua: adhæc Tractatus de Iure Ratificationis, quem Ienæ olim, vt diximus, disputauerat: & Singulares Observationes Forestales, quæ Corpori Venatorio Forestali B. Ahasv. Fritschii etiam insertæ sunt.* Quum primas honores gerere cœpisset, matrimonio etiam animum adplicuit, ducta **CIOIOCLVI** idibus Ianuariis nobilissima lectissimaque **DOROTHEA**, viri nobilissimi consultissimique **GEORGII Wildvogels** Consilarii Saxonici, Secretarii Intimi & Feudalis in Hereditariis serenissimi Administratoris provincii; & **MARIAE NICOLAEAE** filia, nunc Vidua mætissima, cum qua concordissime vixit, & quindecim liberorum, nouem filiorum, sex alterius sexus, pater ex illa factus

ctus est: ex quibus tres filii, & totidem filia superstitēs: illi
sunt, nobilissimus & consultissimus CHRISTIANVS
Herold/ I. V. D. Potentissimi Regis Borussiae Consiliarius
Venationum, Saltuum Limitumque in Ducatu Magdebur-
gico, qui anno 1515 CXVI nobilissimam virginem GER-
TRVDEM, viro summo & excellentissimo FRANCISCO
de ESSEN, Potentissimi Suecorum Regis Consiliario Au-
lico Gryphswaldensi in Pomerania, & ANNO PANSO-
WENIA, matrona itidem nobilissima, natam, in matrimo-
nium sibi adiunxit: & nobilissimas amplissimusque vir IO-
CHRISTOPHORVS Herold/Hereditarius in Canena, fe-
renissimi Principis Hasso-Homburgensis Consiliarius & Prae-
fectus Oebisfeldensis, qui 1515 CC matrimonium inuit cum
femina lectissima, ILSA ANNA COVINIA, vidua BERN-
DESIA, ex qua duos filios filiasque totidem suscepit: &
nobilissimus FRIDERICVS WILHELMVS Herold/I. V.
Candidatus, forensibus addictus actionibus. Atque hi filii
superstitēs. Filias autem reliquit NOSTER itidem tres
CHRISTIANAM ELISABETHAM, iuris consultissimi
viri, nunc beati, GEORGII HENRICI BRÜCKNERI, Er-
furtensis Academiae Professoris P. & Prouincialis Iudicii Ad-
fessoris Viduam; quae sex illi filios, totidemque filias peperit,
e quibus filii tres & filiae duae Parenti & Auo superfunt: de-
inde ANNAM ROSINAM, amplissimi consultissimique
viri FRIDERICI SEYFARTI, Consulis quondam Ha-
lensis, & Scabinatus Adfessoris, ac Octouiri ad B. Virginis,
Viduam, trium filiorum & totidem filiarum matrem, e qui-
bus filius vnus Fridericus Christophorus, iuris studiosissi-
mus, & filia vna Anna Rosina superfunt: tandem superstes
etiam Patri filia est MARTHA ELISABETHA HEROLDIA,
virgo arnatisima. Sic felix NOSTER honoribus, felix con-
iugio, & felix etiam prole vtriusque sexus fuit: nec vero
haec felicitas, vt solent res mortalium, immunis a casibus hu-
manis fuit. Ipse vix quinquennis patrem amisit, educatus
dein a vitrico, consultissimo viro, GEORGIO Wagen/ Scabi-
natus

natus Halensis Seniore: anno **CIO IOCLXXVI** incendio ædes
& rem familiarem amisit: sed funera sæpius repetita. anno
CIOIOCLXXIX tribus filiis vno die orbatus est, & paucis
post diebus, adulta filia virgine: & anno **CIOIOCLXXXI**
filio **AVGVSTO**, I. V. Lic. & Scabinatus designato Ad-
fessore; quæ omnia patienter tulit, in eo Aemilio Paul-
lo, fortissimo viro, comparandus, aut præferendus po-
tius. Ei enim, quum ex Macedonia triumpharet, duos
filios fortuna intra septem dies abstulit: Nostro autem
tres vno die, & paullo post, filiam nubilem, filiumque
honoribus iam destinatum; etiam Generos duos clarissi-
mos. Alia vitæ humanæ casus & incommoda, peri-
cula, fortunæ mutationes, iam breuitatis causâ silemus.
Hæc tamen cuncta fortiter sustinuit, & Deo corroboran-
te, superavit. Accesit grauitas ætatis, quæ per se morbus est,
quamuis ad septuagesimum annum labore atque, studio cum
senectute victor depugnauerit: post demum debilitatem sen-
sit, marasmo senili & cachexia corpus occupante: quo ipso
animus excitatior factus, & sacris, quibus vacabat, medi-
tationibus paratior ad emigrandum. Quod contigit et-
iam illi, vt dudum exoptauerat, die **XXII** Iunii sub vespere
feliciter, Deo animam in meliores sedes educente, post-
quam biduo ante vir maxime reuerendus **D. WOLFG.**
MELCHIOR Stiber Antistes primarius & Regius Inspe-
ctor, augustissimis Christi epulis & diuinis exhortationibus
eum confirmauerat. Exsequiæ ducentur hodie post sacra
meridiana: cras in B. Virginis templo memoriæ & honori
venerabilis Senis sermo geminus habebitur. Vtrique actui
vt amplissimi Collegæ nostri, alique Academiae addicti,
cum Ciuibus nobilissimis præstantissimisque, frequentes
adsint, & meritissimo Viro suprema, vt par est, faciant,
per communia humanitatis iura rogamus & admo-
nemus. P.P. Halæ XIII Iul. **CIO IOCCIV.**



ULB Halle

003 774 325



3





... worden sein / als er auß
... ff eine bereits schon erwachse
... ung etlicher Jahre er einen an
... phn einbüßen müssen / dabey
... allerhöchste zu zweyen unter
... yer hochbeliebten Schwieger

... sende / wenn ich durch weinat
... lagene Wunde in etwas auff
... daß nunmehr ein gefährlicher



AD
SUPREMA OFFICIA
VIRO SUMMO ET EXCELLENTISSIMO
**IOHANNICHRI-
STOPHORO**

Herold / IC.

HEREDITARIO IN RIEDEBURG,
POTENTISSIMI REGIS BORUSSIAE IN
DVCATV MAGDEBURGICO REGIMINIS, CONSI-
STORII, VENATIONVM, SALTVM LIMITVMQVE CONSILIA-
RIO, ET OCTOVIRALIS COLLEGII AD B. VIRGINIS
AEDEM DIRECTORI,

XXII IVNII 1694
AETATIS ANNO LXXIII
PLACIDA MORTE EXSTINCTO,
XIII IVLII POST SACRA POMERIDIANA
HONESTISSIMO RITV FACIENDA,

**ACADEMIAE FRIDERICIANAE
PROCERES ET CIVES
OFFICIOSE ET HVMANITER
INVITAT**

EIVSDEM PRORECTOR
IOHANNES SPERLETTE,
PHILOSOPHIAE PROF. PVBL. ORD.

HALAE MAGDEBURGICAE,
TYPIS CHRISTOPH. ANDRAE ZEITLERI, ACAD. TYPOGR.